

# PEMBELA-PEMBELA KELUARGA NABI S.A.W. & PARA SAHABAT

RISALAH PEMURNIAN AQIDAH

ISU 2009

## SYIAH DAN KESESATANNYA

Akhir-akhir ini terdapat kecenderungan sebahagian umat Islam mencemuh dan mengutuk para sahabat Nabi r.hum. seperti Sayyidina Abu Bakar, Umar, Uthman dan lain-lain, bahkan lebih parah lagi melabelkan sahabat-sahabat tersebut sebagai munafiq dan kafir. Mereka melontarkan tuduhan bahawa sahabat menyembunyikan fakta-fakta penting agama dan juga menyelewengkan al-Quran. Mereka meragui kebenaran dan kesahihan ajaran Islam yang ada pada hari ini kerana ianya dibawa oleh sahabat Nabi s.a.w yang dikatakan munafik dan kafir dan sebagai alternatif mereka cuba menampilkan satu bentuk ajaran lain (Syiah) yang kononnya datang dari anak cucu Nabi s.a.w. (Ahlul bait)

**R**isalah ini bertujuan untuk memberi maklumat dan penjelasan kepada masyarakat mengenai fahaman Syi'ah\* supaya mereka menjauhi dan tidak terpengaruh dengan fahaman tersebut dan juga bertujuan untuk menyedarkan mereka yang terbabit bahawa fahaman Syi'ah adalah bercanggah dengan ajaran Islam yang sebenar.

### SIAPAKAH SYI'AH?

Syi'ah ialah golongan yang mendakwa Sayyidina 'Ali lebih utama daripada sahabat-sahabat lain dan mereka mengkafirkan kesemua sahabat kecuali beberapa orang sahaja. Inilah perkara pokok yang membezakan golongan Syi'ah daripada golongan-golongan yang lain. Terdapat beberapa aliran di dalam Syi'ah itu sendiri tetapi pada dasarnya masing-masing mempunyai konsep yang tersebut di atas iaitu mengkafirkan sahabat. Risalah ini akan memberikan tumpuan kepada Syi'ah Imamiyyah Ithna 'Asyariyyah (Syiah Imam 12) kerana kekeliruan yang timbul di dalam masyarakat sekarang ini ialah berhubung dengan Syi'ah Imamiyyah Ithna 'Asyariyyah. Syi'ah inilah yang dipertikaikan oleh para 'ulama' di setiap tempat pada masa ini. Mereka adalah ramai bilangannya dan agak popular terutamanya selepas teretusnya revolusi Iran.

### SYI'AH IMAMIYYAH ITHNA 'ASYARIYYAH

Syi'ah Imamiyyah Ithna 'Asyariyyah ialah Syi'ah yang mempercayai 12 orang imam yang dilantik oleh Allah secara berturutan seperti di bawah ini:-

1. 'Ali bin Abi Talib (wafat 40 H)
2. Hasan bin 'Ali (wafat 50 H)
3. Husain bin 'Ali (wafat 61 H)
4. 'Ali Zainal 'Abidin bin Husain (wafat 94 H)
5. Muhammad al-Baqir bin 'Ali Zainal 'Abidin (wafat 117 H)
6. Ja'far as-Sadiq bin Muhammad al-Baqir (wafat 148 H)
7. Musa al-Kazim bin Ja'far as-Sadiq (wafat 183 H)
8. 'Ali ar-Ridha bin Musa Kazim (wafat 202 H)
9. Muhammad al-Jawaad bin 'Ali ar-Ridha (wafat 220 H)
10. 'Ali bin Muhammad al-Jawaad (wafat 254 H)
11. Hasan bin 'Ali al-'Askari (wafat 260 H)
12. Muhammad bin Hasan al-'Askari al-Mahdi (ghaib 260 H)



*Lakaran Imam 12 Syi'ah*

**Muzakarah Jawa-tankuasa Fatwa Majlis Kebangsaan Bagi Hal Ehwal Agama Islam** dalam keputusannya yang bertarikh **5 Mei 1996** telah mewartakan kesesatan Syi'ah dan **mengharamkan** pengamalannya di Malaysia.

Antara negeri yang telah mewarta dan mengharamkan Syi'ah;

**Selangor:**  
19 Januari 1998

**W.Persekutuan:**  
3 April 1997

**Terengganu:**  
25 September 1997

**P. Pinang:**  
16 Januari 1997

**N.Sembilan:**  
12 Mac 1998

**Kelantan:**  
September 1987

**Rujukan Lanjut:**  
[www.islam.gov.my/e-rujukan/syiah.html](http://www.islam.gov.my/e-rujukan/syiah.html)

Individu yang dikatakan Imam oleh golongan Syiah sebenarnya tidak pernah mengaku menjadi imam atau mengajar segala ajaran yang dipegang oleh Syi'ah. Mereka diangkat sebagai Imam oleh golongan Syiah sebagaimana orang Kristian mengangkat Nabi Isa a.s. sebagai anak tuhan (walhal Nabi Isa a.s. sendiri tidak pernah mengaku menjadi anak tuhan).

*\*Syi'ah ini dianuti secara meluas di Iran. Puak Hizbullah di bawah pimpinan Hasan Nasrallah yang kini diangkat sebagai pejuang Islam sebenarnya menganut fahaman Syi'ah*

Golongan Syi'ah ini dinamakan *Imamiyyah Ithna 'Asya'irah* kerana akidah utama mereka adalah kepercayaan kepada 12 orang Imam dengan ciri-ciri yang tertentu. Mereka juga dikenali dengan *Imamiyyah* sahaja. Nama lain bagi mereka ialah *Ja'fariyyah* kerana sebahagian besar ajaran mereka dikaitkan dengan Imam Ja'far as-Sadiq. *Rafidhah* juga merupakan gelaran mereka kerana fahaman-fahaman dan 'aqidah-'aqidahnya yang melampau.

Mereka percaya Imam Kedua Belas (Muhammad bin Hasan al-Askari) telah ghaib dan akan bangkit sebagai Imam Mahdi sebelum kiamat untuk menghukum Abu Bakar, Umar, Aisyah dan sahabat2 yang lain di dalam peristiwa raj'ah (kebangkitan sebelum kiamat). Mereka juga percaya kepada *al-bada'* (tuhan jahil), penyelewengan al-Qur'an, kemurtadan para sahabat termasuk Sayyidina Abu Bakar, 'Umar, 'Utsman r.a. dan sahabat-sahabat besar Rasulullah s.a.w. yang lain, kemaksuman (tidak berdosa) para imam.

Fahaman Syi'ah dipercayai mula merebak di Malaysia selepas kejayaan Revolusi Khomeini di Iran pada tahun 1979. Pengaruh ajaran dan fahaman ini menular ke negara ini melalui propaganda-propaganda mereka seperti bahan cetak, teknologi internet, orang perseorangan sama ada yang berkunjung ke Iran atau yang datang dari Iran dan sebagainya. Fahaman Syi'ah ini semakin tersebar luas apabila beberapa orang pensyarah universiti tempatan telah memainkan peranan untuk menyebarkan secara serius kepada para pelajar di Institut Pengajian Tinggi. Pengaruh fahaman ini kian menular ke negeri-negeri di Semenanjung Malaysia, antaranya Kedah, Kelantan, Johor, Perak, Wilayah Persekutuan, Selangor dan lain-lain.

### ANTARA AKIDAH SYI'AH YANG MENYELEWENG DAN BERCANGGAH DENGAN AJARAN ISLAM

♦ **AGAMA SYI'AH- *Penyelewengan Al-Quran***. Golongan Syi'ah terutamanya ulama-ulama yang menjadi paksi kepada agama mereka berit'iqad bahawa al-Quran yang dihimpunkan oleh sahabat-sahabat r.a. dan berada di tangan umat Islam sekarang telah diselewengkan dan ditokok tambah. Antaranya Sayyid Ni'matullah al-Jaza'iri mengatakan: "*Bahawa tokoh-tokoh Syi'ah telah sepakat tentang sahinya hadits-hadits yang sampai ke peringkat mutawaatir yang menunjukkan dengan jelas tentang berlakunya penyelewengan al-Quran (An-Nuuri At-Thabarsi, Fashlu al-Khitaab, hal. 30)*". Pegangan tersebut adalah berdasarkan kepada lebih daripada dua ribu riwayat sahih daripada imam-imam maktum di sisi mereka yang jelas menunjukkan berlakunya *tahrif* (penyelewengan) di dalam al-Quran.

**AGAMA ISLAM-** Ulama-ulama Islam sepakat kepercayaan bahawa al-Quran telah diselewengkan adakan satu kekufuran. Ibnu Qudamah berkata: "*Tiada khilaf di kalangan orang-orang Islam pendapat tentang kufurnya orang yang mengingkari al-Quran sama ada satu surah atau satu ayat atau satu kalimah yang disepakati bahawa ia adalah al-Quran*". (Lam'ah al-'it'iqad Bab Al-Quran Adalah Kalam Allah jil. 1 hal. 17).

♦ **AGAMA SYI'AH- *Kepercayaan Bahawa Imam 12 Dilantik Dari Pihak Allah, Mempunyai Sifat-Sifat Kenabian Bahkan Imam Dianggap Lebih Tinggi Daripada Nabi***. Dinyatakan dalam Kitab 'Aqid al-Imamiah oleh Syekh Muhammad Redha al-Muzaffar, hal. 72: *Akidah Kami Tentang Imam itu Maktum Kami mempercayai bahawa imam-imam itu seperti nabi-nabi, ia wajib maktum dan terpelihara daripada sifat-sifat yang buruk dan keji yang nyata dan yang tersembunyi, semenjak daripada kecil sehinggalah mati, sengaja atau lupa sebagaimana mereka juga terpelihara daripada sifat lupa, ter-salah dan lain-lain*. Khomeini menyatakan: "*Kita tidak dapat menggambarkan para imam itu mempunyai sifat lupa dan lalai*". (Khomeini, *Al-Hukumah Al-Islamiyah*, hal. 91) Khomeini berkata lagi: "*Sesungguhnya imam itu mempunyai kedudukan yang terpuji yang tidak sampai kepadanya malaikat yang hampir kepada Allah dan nabi lagi rasul*". (Al-Hukumah al-Islamiah - hal 52)

**AGAMA ISLAM-** Maktum adalah sifat khusus para nabi dan rasul. Memberikan sifat tersebut kepada orang lain selain dari mereka bermakna menafikan 'akidah bahawa Nabi Muhammad s.a.w. adalah penyudah sekalian nabi-nabi. Allah berfirman: "*Nabi Muhammad itu bukan bapa bagi seseorang dari orang lelaki kamu, tetapi dia adalah Rasul Allah dan penutup Nabi-nabi*". (Al-Ahzab 40)

♦ **AGAMA SYI'AH- *Al-Bada'***. Dari segi bahasa al-Bada' bermaksud nyata sesuatu yang sebelumnya tersembunyi. Menurut akidah Syi'ah, al-Bada' ialah ilmu Allah berubah-ubah berdasarkan sesuatu peristiwa yang berlaku. Dalam kata lain, Allah mengetahui sesuatu perkara hanya selepas berlakunya perkara tersebut. Ini bermaksud Allah jahil atau tidak mempunyai ilmu yang meliputi. An-Naubakhti menyebutkan bahawa Ja'afar bin Muhammad al-Baqir telah menentukan anaknya Ismail sebagai Imam sesudahnya (sebagaimana ketentuan Allah kerana Syi'ah mengatakan imam-imam dilantik dari pihak Allah) dan beliau telah mengisytarkan kepadanya semasa hidup lagi, tiba-tiba Ismail mati ketika beliau masih hidup. Maka Ja'afar pun berkata: "*Tidak pernah berlaku kepada Allah (al-Bada') berhubung dengan sesuatu seperti mana berlaku kepadanya berhubung dengan Ismail anakku*". (Firaq as-Syiah hal. 84).

**AGAMA ISLAM-** Ilmu Allah sejak azali adalah meliputi segala sesuatu dan tidak berlaku sebarang perubahan kepadanya mengikut peristiwa yang berlaku kepada manusia. Allah menjelaskan perkara ini di dalam al-Quran al-Karim: "*Allah mengetahui pengkhianatan (penyelewengan dan tidak jujur) pandangan mata seseorang, serta mengetahui akan apa yang tersembunyi di dalam hati*". (Al-Mukmin 19). Dan: "*Dan sesungguhnya Allah ilmunya meliputi segala sesuatu*". (Al-Talaq 12).

♦ **AGAMA SYI'AH - Taqiyyah (berpura-pura).** Taqiyyah merupakan konsep atau ciri penting yang tidak dapat dipisahkan dari ajaran Syi'ah. Taqiyyah pada hakikatnya adalah "berdusta dan berbohong". Riwayat-riwayat tentang pentingnya taqiyyah di sisi Syi'ah banyak terdapat di dalam kitab-kitab utama mereka. Antaranya apa yang dikemukakan oleh al-Kulaini: *Abu Umar al-A'jami katanya Ja'far as-Sadiq a.s. berkata kepadaku "Wahai Abu Umar, Sesungguhnya sembilan persepuluh daripada agama itu terletak pada Taqiyyah dan tidak ada agama bagi orang yang tidak mempunyai Taqiyyah dan Taqiyyah itu ada pada tiap-tiap sesuatu, kecuali dalam masalah arak dan menyapu dua khuf (al-Usul Min al-Kafi, jil. 2 hal. 217)." Di antara hakikat taqiyyah ialah apa yang disebutkan oleh Imam Jaa'far As-Sadiq a.s. kepada Sulaiman bin Khalid (perawi hadis): "Wahai Sulaiman! Sesungguhnya engkau berada di atas agama yang sesiapa menyembunyikannya akan dimuliakan oleh Allah dan sesiapa yang menyebarkaninya akan dihina oleh Allah."* (Al-Kafi jil. 2, hal. 222)

**AGAMA ISLAM** - Jujur dan amanah adalah merupakan ciri penting di dalam Islam sehingga ia menjadi salah satu syarat kesempurnaan iman. Rasulullah s.a.w. bersabda: *"Tidak beriman orang yang tidak mempunyai sifat amanah."* (Riwayat Imam Ahmad). Kerana itu ulama Islam di zaman lampau tidak mahu menerima riwayat yang dikemukakan oleh Syi'ah kerana mereka mengamalkan pembohongan. Sehubungan dengan itu Imam Syafie berkata: *"Tidak pernah aku melihat golongan yang menurut hawa nafsu yang lebih pembohong dari golongan Syi'ah."* (Al-Kifayah, hal. 49, as-Suyuti, Tadrib Ar-Rawi, jilid 1, hal. 327)

♦ **AGAMA SYI'AH - Mengkafirkan Para Sahabat Rasulullah s.a.w.** Akidah ini merupakan salah satu ciri yang tidak dapat dipisahkan dari ajaran Syi'ah dan memisahkannya bermakna meruntuhkan ajaran Syi'ah itu sendiri. Al-Majlisi mengemukakan satu riwayat berbunyi: *Kebanyakan sahabat adalah munafik, tetapi cahaya nifaq tersembunyi di zaman nabi. Tetapi apabila wafat Nabi s.a.w. ternyatlah cahaya nifaq itu melalui wasiat Nabi s.a.w. dan mereka itu kembali murtad".* (Bihar al-Anwar jil. 27, hal 64). Al-Kulaini meriwayatkan dari Muhammad al-Baqir a.s. katanya: *"Para sahabat telah menjadi murtad sepeninggalan Rasulullah s.a.w kecuali tiga orang dari mereka."* Aku bertanya (kata perawi): *"Siapakah yang tiga itu?"* Abu Jaafar menjawab: *"Miqdad bin al-Aswad, Abu Zar al-Ghifari dan Salman al-Farisi."* (ar-Raudhah Min al-Kafi, jil. 8 hal 245)

**AGAMA ISLAM** - Keadilan dan kedudukan sahabat yang tinggi adalah jelas berdasarkan al-Quran. Antaranya: *"Dan orang-orang yang terdahulu yang mula-mula (berhijrah dan memberi bantuan) dari orang-orang "Muhajirin" dan "Ansar" dan orang-orang yang menurut (jejak langkah) mereka dengan kebaikan (iman dan taat), Allah redha akan mereka dan mereka pula redha akan Dia, serta Dia menyediakan untuk mereka syurga-syurga yang mengalir di bawahnya beberapa sungai, mereka kekal di dalamnya selama-lamanya; itulah kemenangan yang besar".* (at-Taubah 100). Mengingkari yang sahabat adalah adil bererti mengingkari al-Quran.

♦ **AGAMA SYI'AH - Menghalalkan Nikah Mut'ah.** Nikah Mut'ah adalah sebenarnya perzinaan di atas nama Islam. Nikah Mut'ah ialah satu bentuk perkahwinan kontrak tanpa wali dan saksi, untuk suatu tempoh waktu tertentu dengan sedikit maskahwin sahaja dengan tiada sebarang tanggungjawab, nafkah, pusaka dan perkara-perkara lain yang berkaitan dengan perkahwinan biasa. (al-Kafi jilid 5, ms 286), Perkahwinan ini semata-mata berlandaskan nafsu dan untuk berseronok. Boleh dikahwini sehingga seribu wanita (Wasaailu As Syiah jil. 14 hal. 480). Diriwayatkan daripada Muhammad Al-Baqir berkenaan mut'ah katanya: *"Ianya bukan termasuk daripada empat (isteri). Mereka tidak diceraikan dan tidak mewarisi. Mereka hanyalah perempuan yang disewakan."* (al-Kafi jilid 5, ms 284). Tidak menganggap halal mut'ah seolah-olah tidak beriman. Diriwayatkan daripada Muhammad al-Baqir katanya: *"Bukan dari kalangan kami orang yang tidak mempercayai raj'ah dan tidak menganggap halal mut'ah kita".* (Man La Yahduruhu al-Faqih jil.3 hal 458)

**AGAMA ISLAM** - Nikah Mut'ah yang diamalkan oleh Syi'ah tiada bezanya dengan perzinaan dan pelacuran di samping merendahkan martabat wanita serendah-rendahnya. Kerana itu ia telah diharamkan oleh Nabi Muhammad s.a.w buat selama-lamanya sehingga hari kiamat menerusi hadits-hadits sahih sebelum Baginda wafat melalui beberapa orang sahabat dan salah seorangnya adalah Saidina Ali sendiri seperti katanya: *"Bahawa Rasulullah s.a.w. melarang nikah mut'ah pada hari peperangan Khaibar dan melarang juga memakan daging keldai kampung."* (Riwayat Ibn Majah dan al-Nasa'i)



*Gambar-Gambar Sekitar Perayaan Kufur Syi'ah Tatkala Menyambut 10 Muharram*

## AMALAN-AMALAN DAN AJARAN SYI'AH YANG BERTENTANGAN DENGAN AGAMA DAN FITRAH MANUSIA (Bersumberkan Kitab-Kitab Syiah)

Kaabah yang dibangunkan Syiah di Karbala



• Imam Ja'far as-Sadiq berkata: "Pada tanah perkuburan Husain a.s. terdapat penawar daripada segala penyakit dan ia adalah ubat yang paling besar." (*Man La Yahdhuru al-Faqih j.2 hal. 600, Tahzib al-Ahkam j.2 hal. 26*)

• Abu Hasan a.s. berkata: "Aurat itu ada dua iaitu qubul (kemaluan) dan dubur, dubur ditutup oleh dua papan punggung, apabila telah ditutup kemaluan dan dua telurnya maka auratnya telahpun ditutup." (*Al-Furu' min al-Kaafi j.6 hal.51, Tahzib al-Ahkam j.1 hal. 374*)

• Imam Hassan al-Askari berkata: "Sesungguhnya ibu-ibu kami tidak mengandung kami para imam di dalam perut mereka tetapi dipinggang dan kami dilahirkan bukan melalui rahim tetapi melalui paha sebelah kanan kerana kami adalah titisan cahaya Allah yang bersih dan dijauhkan daripada sebarang kotoran." (*Bihar al-Anwar j. 51 hal. 2, 13, dan 17, I'lam al-Wara hal. 394*)

• Khomeini berfatwa: "Mengikut pendapat yang kuat dan masyhur harus menyetubuhi isteri pada dubur walaupun hal itu tidak disukai." (*Tahrir al-Wasilah masalah ke 11 hal. 241*)



Tulisan di atas Kaabah Syiah 'Ali Jaan' yang bermaksud 'Ali Adalah Kesayanganku'



• Abu Hasan bertanya Ja'far as-Sadiq tentang menyewa faraj, meminjamnya dan menghadiahkan kepada sahabat-sahabat lalu beliau berkata: "Tidak mengapa." (*Al-Istibsar j. 3 hal. 141*)

• Memenuhi kehendak syahwat seperti meraba dengan penuh syahwat, memeluk, mengacukan kemaluan ke paha kanak-kanak termasuk ke paha bayi yang masih menyusu adalah diharuskan. (*Khomeini, Tahrir al-Wasilah j. 2 hal. 216*)

Tafsiran pelik Syi'ah antaranya ayat 19,20 surah ar-Rahman yang bermaksud: "Dia biarkan air dua laut (yang masin dan yang tawar) mengalir, sedang keduanya pula bertemu, Di antara keduanya ada penyekat yang memisahkannya, masing-masing tidak melampaui sempadannya". Imam tafsir Syi'ah Ali bin Ibrahim al-Qummi menukulkan riwayat daripada Ja'far as-Sadiq, katanya: "Ali dan Fatimah adalah dua laut yang dalam salah satu tidak melampaui satu lagi". (*Tafsir al-Qummi jil. 2 hal.345*)

### TANDA-TANDA SESEORANG TELAH DIPENGARUHI / TERJEBAK DENGAN SYIAH

Ciri-ciri di bawah adalah sebahagian dari petanda seseorang yang menganut ajaran Syiah. Berwaspadalah jika anda dapati tanda-tanda sebegini ini tampak mula kelihatan pada orang-orang yang anda sayang.

- Senantiasa memuja Sayyidina Ali dan melebihkan beliau daripada Sayyidina Abu Bakar & Umar
- Memperlekeh dan memandang rendah kepada sahabat-sahabat Nabi s.a.w.
- Sering menghimpunkan (jamak) sembahyang Zuhur bersama Asar dan Maghrib bersama Isya' tanpa sebarang sebab.
- Kaki tidak dibasuh ketika berwuduk sebaliknya hanya disapu sahaja.
- Sujud di atas batu Karbala ketika solat.
- Menepuk paha ketika memberi salam sesudah sembahyang.
- Tidak mahu makan ikan yang tidak bersisik.
- Melewatkan berbuka puasa sehingga hampir waktu Isya'.
- Memarahi orang yang puasa Asyura.
- Sering memperkatakan tentang keperluan kepada imam zaman ini(imam mahdi).

### 4 Kalimah Syahadah Syiah



( )  
Tiada Tuhan Melainkan Allah, Muhammad  
Pesuruh Allah, Ali Khalifah Yang Dilantik Oleh  
Allah, Khomeini Hujah Allah

Maklumat lanjut berkenaan Syiah boleh didapati melalui laman web di bawah:

1. [www.islam.gov.my/e-rujukan/syiah.html](http://www.islam.gov.my/e-rujukan/syiah.html)
2. [www.abunaaiah.blogspot.com](http://www.abunaaiah.blogspot.com)
3. [www.tenteradajjal.blogspot.com](http://www.tenteradajjal.blogspot.com)
4. [www.hakekat.com](http://www.hakekat.com)
5. [www.kr-hcy.com/shia](http://www.kr-hcy.com/shia)
6. [www.ansar.org/english](http://www.ansar.org/english)
7. [www.alburhan.com/](http://www.alburhan.com/)

\*\*\*\*\* Lafaz Azan Syiah \*\*\*\*\*

(Aku bersaksi bahawa Ali adalah khalifah yang dilantik oleh Allah)

(Marilah ke arah sebaik-baik amalan)

**Nota:** Sebarluaskan risalah ini jika anda prihatin terhadap ancaman yang melanda akidah umat Islam.